

增補士材三書
五

增補病機沙篆目次

雲間李中梓士林父原本

吳門尤乘生洲增較新鐫

上卷

中風類中

中寒

中暑中熱

中氣中食

虛勞

欬嗽吐血

傳尸瘵症

痰喘

壹膈反胃

呃逆

嘔吐噦

霍亂

脈弱

水腫

瘡

痢

泄瀉

厥逆

下卷

頭痛

眩暈

心痛

腹痛

腰痛

顛狂

痰癰

怔忡驚悸恐

健忘

不得寐

不得食

自汗盜汗

痿痺

肩背臂膊痛

脇痛

脚氣

遺精

赤白濁

消渴

赤白帶

疝

癰疽

積聚痞癖

淋瘕

前陰諸疾

後陰諸疾

病機沙策卷上

雲間李中梓士材父著述

吳門尤 乘生洲父增補

中風

風之爲言中也肥人氣居於表中氣必虛土不生金金氣漸薄肝無所畏風木乃淫復來乘土中氣益敗乘其中虛外邪襲之則爲頭中西北方風高往往有之若但因中虛不犯外邪則爲類中東南方柔弱往往有之

內經曰風者百病之長又曰風者善行而數變故客於脉

則爲厲風客於藏府之俞則爲偏風風氣循風府而上則
爲腦風自腦戶而合於太陽則爲目風飲酒見風汗出則
爲漏風入房汗出當風則爲內風入於腸胃則爲腸風外
客腠理則爲泄風

正風邪風各不相同經云正風者從一方來卽合時之正
者也其中人也淺合而自大邪風者冲後來者也謂之虛
邪賊風其中人也深不能自去

經曰暴病卒死皆屬於火東垣以卒然昏仆責之氣脫蓋
火卽氣氣卽火同物而異名者也當卒仆之時以汗瀝黃

汁灌蘇合香丸或三生飲加入參竹瀝薑汁灌之如挾口
不開進藥且緩以細辛皂角爲末吹鼻取嚏卽甦無嚏者
不治

痰涎壅盛者宜與吐之用牙皂四枚明礬一兩各爲細末
和勻輕者五分重者三字溫水調灌此名稀涎散服之不
大嘔吐但微微令涎自口角流出卽醒或橘紅一斤煎湯
數碗多灌取吐○口開心絕手撒脾絕眼合肝絕遺尿腎
絕聲如鼾者肺絕此虛極而陽脫也五疰不全見者速以
大劑參芪朮附并急灸臍下關元氣海可救十中之一

髮直吐沫搖頭上擯面赤如粧汗出如珠皆死症矣

經曰虛邪偏客於身者其入深營衛稍衰則真氣去邪氣獨留發爲偏枯又曰身偏不用爲痛言不變志不亂病在分腠之間益其不足損其有餘乃可復也卽中府症名曰痹之爲病也身無痛處但四肢不收志亂不甚其言微知可治甚則不能言不可治也卽中藏症外有六經形症則以小續命湯加減及疎風湯治之小續命亦麻黃桂枝之變麻桂二湯施於溫熱之症必致殺人不可執也後列太陽經無汗惡寒者麻黃防風杏仁甘草有汗惡風者桂

枝防風芍藥甘草陽明經無汗身熱不惡寒者白芷石膏
知母甘草有汗身熱不惡風者葛根桂枝黃芩甘草如在
太陰經則無汗身涼乾薑附子麻黃防風少陰經則有汗
無熱桂枝附子甘草麻黃杏仁防風若無此四經之症或
在少陽厥陰柴胡防風羌活甘草連翹如上症真中者分
表裏施治而在裏者則便溺阻隔宜三化湯枳實厚朴羌
活大黃若表裏俱見者先與解表而後攻裏若外邪已解
內邪已除而語言蹇澁半身不遂未能卽愈以大君子湯
加羌防歸地芍藥秦艽久久服之營衛自和卽古所云大

藥是也。再加麻黃卽一句之微汗。加大黃卽一句之微利。
如望春大寒之後加半夏人參柴胡木通迎而奪少陽之
氣也。如望夏穀雨之後加石膏知母黃芩迎而奪陽明之
氣也。如季夏濕土主令加防己白朮茯苓勝脾土之濕也。
如望秋大暑之後加厚朴藿香官桂迎而奪太陰之氣也。
望冬霜降之後加桂附當歸勝少陰之寒也。

治風之法不過解表攻裏行中道三法盡矣。然風氣不齊
稟賦各別七情異起六氣殊傷活法處治不可膠執也。

古人用牛黃丸至寶丹活命金丹品類皆辛香走瀉爲斬

關奪門之將。原爲中藏之閉症設也。平黃入脾治肉。麝香入腎治骨。冰片入肝治筋。此惟邪氣深入者。乃爲出矣。若施之于中府。氣虛脫絕之症。反掌殺人。如人既入井。而又下石。安得不立斃乎。

類中之症。其卒倒偏枯。語言蹇澀。痰涎壅盛。皆與真中風相類。故曰類中。但無六經形症爲異耳。此惟中氣虛憊。故虛風內煽所致。東垣主虛。誠爲合論。河間主火。丹溪主痰。其言各殊。而不知其虛也。故無根之火發焉。惟其虛也。故逆上之痰生焉。東垣舉其本。河間丹溪道其標。似異而實

同也。心火涼，膈散肝火。小柴胡湯、水虛火炎、六味地黃湯、
類中之平倒偏枯症類，雖有多種，總由真氣不周，充血液，
因而逆泣也。參芪君之，歸地佐之，更以秦艽、茯神、竹瀝、人
乳、薑汁、梨汁，最爲穩當。

凡治中風，須分陰陽。陰中者，其色青或黑或白，痰喘昏迷，
眩冒多汗，甚者手足厥冷。陽中者，面赤唇焦，牙關緊急，上
視強直，掉眩煩渴。

凡人大指、次指麻木不仁，三年之內必患中風，須預防之。
宜慎起居，節飲食，遠房幃，調性情，更以十全大補湯加羌

活久久服之。經歲不輟。則潛移默奪。弭災却疾矣。若用古法。天麻丸。愈風丹。開其立府。漏其真液。適足以招風取中耳。預防云乎哉。

口禁不開。足陽明頷頰之脈偏急。則口禁不能開。肝風乘胃。故也。皂角乳香黃芪。防風煎湯薰之。須大作湯液。如蒸如霧。乃得力耳。再以南星水片爲細末。擦其牙根。或藜蘆鬱金爲末。搐鼻。或明礬一兩。飛鹽五錢。研勻擦牙。又可將錢許綿裹安牙盡處。又法。甘草五寸。截作五段。麻油浸透。火炙。挾口令咬之。約人行十里許。又換一截。從此灌藥爲

便

口眼喎邪耳鼻常靜故風息焉口鼻常動故風生焉風搖則血液衰耗無以榮筋故筋脈拘急口日爲僻皆急不能卒視人參黃芪當歸白芍升麻秦艽葛根防風鉤藤紅花蘇木水煎和酒服外用桂枝三兩酒煎濃汁以故布浸之乘熱左歪搗右歪搗左再以乳香二兩皂角一兩挫拌勻燒烟薰之

語言蹇澀經曰足太陰之脈貫舌本散舌下病則舌強又足少陰之正直者係舌本又曰內奪而厥則爲瘡痲又腎

脈之氣不上循喉嚨挾吾本則不能言用地黃飲子地黃
巴戟蓯蓉茱萸同桂枝附子菖蒲麥冬五味茯苓菖蒲遠
志石斛脾土不足痰涎壅盛言蹇澀者六君子湯加南星
木香乾葛胡寔遠志竹茹挾熱者山枝連苓花粉菖蒲

四肢不舉其脈緩大力者土太過也平胃五苓散主之
其脈細小無力者土不及也補中益氣湯主之隨症加減
身體疼痛挾濕熱者當歸拈痛湯羌防升葛知茯苓豬澤
茵陳及苦參人參二朮當歸并湯名拈痛有奇動挾寒者
鐵彈丸乳沒各一兩烏頭炮去皮靈脂酒淘淨加射菖蒲

宜挾虛者十全大補湯加秦艽（身重氣虛也補中八味治
之周身盡痛者蠲痺湯歸芍薑黃與羌活甘草黃芪薑棗
煎○身重之症時師止知燥濕而不知補虛按素問示從
容論篇歷言肝虛腎虛脾虛皆令人體重煩寃是以身重
乃虛症也不止于濕可盡耳

痰涎壅塞星香二陳為主益治痰以順氣爲先挾虛者加
參芪竹瀝挾寒者桂附薑汁養正丹鎮安元氣下墜痰涎
實者星香湯送下虛者六君子湯送下

遺尿不禁脾虛下陷者補中益氣湯加益智腎虛不能收

攝者地黃飲子合參麥散

善飢多食風木太過凌虛中州脾土受攻求助於食法當
瀉肝安脾則復其常矣青皮芍藥柴胡山枝人參白朮甘
草茯苓更當隨時審症而爲之變通也

神氣昏冒痰涎逆衝於上心王被障故昏不知人此係中
藏而非中府閉症而非脫症宜牛黃丸清心肺等治之人
參麥冬茯神胆星山藥白朮甘艸羚羊角犀角雄黃朱砂
牛黃水射金箔大棗打膏加蜜爲丸或至聖保命丹管仲
一兩生地七錢大黃五錢青黛板藍根各二錢朱砂雄黃